

福建通志

第肆拾叁冊
金石志

K295.7
1

福建金石志卷五

石四

五代

福州雪峰山故真覺大師碑銘

并序

在侯官

開平二年

大師法號義存長慶二年壬寅生於泉州南安縣曾氏自王父而下皆友僧親佛清淨謹志大師生而鼻逆薰血乳抱中或聞鐘磬或見僧佛其容必動以是別鍾愛於膝下九歲請出家叶而未卽十二從家君游莆田玉澗寺寺有律僧慶玄持行高潔遽拜之曰我師也遂留爲童子焉十七落髮滄朴貞古了與流輩異暨武宗皇帝乙丑之否乃束髮於儒冠萊中而遺跡來府之芙蓉山宏照大師見奇之故止其所至宣宗皇帝之復其道也涅而不緇其身也衰然而出北游吳楚梁宋燕秦受具足戒於幽州寶利寺訖巡名山扣諸禪宗突兀飄飄雲翔鳥逝爰及武陵一面德山止於珍重而出其徒數百咸莫之測德山曰斯無偕也吾得之矣咸通六年師

師芙蓉之故山其年圓寂大師亦自瀉山擁徒至坐于怡山王真君上昇

之地其徒熟

熟師已嗣德山

纍纍而款關師拒而久之則有行實者始以師同而

議曰師之道巍巍乎法門圍繞之所不可造次其地宜若鷲嶺猴江之爲

卜府之西二百里有山焉環控四邑峭峻萬仞嶮嶮以支圓碧培塿以覲
羣青惟石古松棲螭龜鶴靈湫邃壑隱見龍雷山之半頂之上則先冬而
雪盛夏而寒其樹皆別垂藤蘿芊茸而以爲之衣交錯而不呈其形奇姿
異景不可殫狀雖霍童武夷無以加之實閩越之神秀而古仙之未攸居
誠有待於我師也所以偕行去聲秋七月穿雲躡薛陟險昇幽將及之師曰
眞吾居也其夕山之神果效靈翼日巖谷爽朗煙霞飛動雲庵旣立月橫
旋隆繇是梼法輪於無爲樹空門於有地行實乃請名其山曰雪峯以其
冬雪夏寒取鷲嶺猴江之義斯則庚寅逮于乙未師以山而道降山以師
而名出天下之釋子不計華夏趨之如赴召乾符中觀察使京兆韋公中
和司空潁川陳公每渴醒酬而不克就飲爰使馳懇師爲之入府從人

願也其時內官有復命於京語其道其儕之拔俗悟空者請蛻浮華而來
剝僖宗皇帝聞之翰林學士訪於閩人陳延郊得其實奏於是聖錫真覺
大師之號仍以紫袈裟俾延郊授焉大師授之如不授衣之如不衣居累
夏辛亥歲朔遽然杖屨其徒敢而不答雲以隨之東浮於丹邱四明明年
故府侍中之有無諸句剋句洗兵於法雨致敬於禪林馥師之道常東望
頂手後二年自吳還閩大加禮異今閩王誓衆養民之外雅隆其道凡齋
僧構刹以之龜焉爲之增宇設像鑄鐘以嚴其山優施以充其衆時則迎
而館之于府之東西甲第每將儼油幢聆法輪未嘗不移時餘乎一紀勤
勤懇懇熊羆之士因之投跡檀卹漁獵之逸其或弭心鱗羽戊辰年春三
月示疾吾王走鑿鑿至粒藥以授師曰吾非疾也不可罔予之工卒不之
餌其後札偈以遺法子函翰以別王庭夏五月二日鳥獸悲鳴雲木慘悴
其夜十有八刻時滅度俗壽八十有七僧臘五十有九以其月十五日塔
其藏焉其塔也其徒僉云以山之奇堂之峻法堂大師之生也王法是其

般也不宜捨諸故坎其中焉若干尺之高若干尺之周皆雕珉石錯火壤
磷磷然業業然四隅則環宇以厖玲瓏窳窳雲霞時入風雨罔侵其日奔
閩之僧尼士庶僅五千人閩王娣之子降左金吾衛將軍檢校刑部尚書
延稟始陳祭是設齋焉大矣哉大師之見世于是罔量其僧耶自始及茲
凡四十年東西南北之夏往秋適者不可勝紀而常不減一千五百徒之
環足其趨也馳而愈離辯而愈惑常曰三世諸佛十二分教到此乃徒勞
耳其庶幾者若干人其一號師備擁徒于玄沙今安國也其二號可休擁徒于
越州洞巖其三號智孚擁徒于信州鵞湖其四號惠稜擁徒于泉州招慶
其五號神晏今府之鼓山也分燈之道皆膺聖獎錫紫袈裟而玄沙級宗
一大師招慶玄晤大師鼓山定慧大師之命焉其曹早曰法雖無說名以
文垂自少林之逮曹溪無不刻碑而紀頌我師其默乎一旦忽其曹句首
曰從智如堵而扣愚求文某老且病刊勒之加多已辭避欽師之道不覺
聳然偉夫恭聞釋波之東注也流其象則不流其旨流其旨則不象其形

厥初大迦葉之垂二十八葉至于達磨達磨六葉止于曹溪分宗南北德
山則南宗五葉大師嗣句其今六葉焉雪峰之分玄沙洞巖鵝湖招慶鼓
山其道皆離貝葉以祇其七非某之能言也但美數公歲絀其葉衆多殷
勤之請遂爲之銘而應其求其詞曰曹溪分派誰繼南宗一言冠絕六葉
推雄無物之物非空之空不瑩而明不增而降縮靡秋毫舒靡鴻濛不有
靈鏡曷揭眞風懿彼閩越巍乎一峯洞壑斯異雪霜罕同天之有待師也
云鍾名將道協跡與山崇奔走厥徒百千其叢庶幾幾人莫不玄通分燈
照耀樹本玲瓏聖君寵疊賢王敬重不生不滅曷始曷終刻貞石于斯文
旌厥德於梵宮

開平二年歲在戊辰夏五月裏行御史充威武軍節度推官前四門博士
黃滔撰

衍案見黃御史集

招慶禪院長老僧惠稜碑

乾化四年

乾化四年十一月以福建觀察使奏乞惠稜師號勅賜玄悟大師

見三山志

十國春秋慧稜杭州鹽官人姓孫天祐三年太祖從子延彬守泉州請住招慶院後又居長慶院號超覺大師長興三年卒惠宗爲建塔

大平寺碑

在懷安

同光元年

地據靈山巨山之麓

三山志云懷安太平寺本開元寺地後唐同光元年閩忠懿王析建寺碑云云忠懿於城西南張爐冶十三所備銅鐵三萬斤鑄釋迦彌勒像又泥金銀萬餘兩作金銀字四藏經各五千四十八卷唐翁承贊碑而銘之

中際香積院記

在甯德

天成三年

中際山百丈飛泉鳴雷撲雨千尋怪石蔽日藏雲

三山志云中際香積院水際里乾符元年中際山人曾錫林峻捨山林

於邑僧如珣建六年賜今額有天成三年僧紫筠爲記刻石今存記云
云中和五年前關隸營使陳希遠與僧清彥共申聞觀察使陳公巖請
爲導首鑄鐘一口

宗一禪師塔誌

在懷安玄沙山

長興元年

故安國宗一大師塔誌

大師諱師備生緣福州城南十里外江南溫泉鄉歸化里俗姓謝氏唐咸
通二年入芙蓉山出家得度受戒後住梅溪場玄沙山經一十九載至光
化元年蒙府王令公大王請於城北住安國院兼發章表申奉蒙天恩賜
號宗一大師並頒紫衣冬夏參徒七百餘衆梁開平二年冬忽示微疾至
十一月二十七日五更時奄然歸寂春秋七十四僧臘四十五 梁開平
十二月十一日靈龕窆於茲地故記

三山志云賢沙寺懷賢里昇山之下梁開平元年置本安國宗一禪師
塔院也宗一碑云云卽此

又云安國寺忠信里光化初僧師備白雪峯來居焉師備閩縣江南人號宗一禪師長興元年閩王延鈞所立碑文節度副使王延稟捨石刻今存

衍案誌不著撰書人姓名今藏寺中

十國春秋云備初住普應院後遷福州玄沙開平二年卒太祖爲之立塔

衍案輿地碑目作安國寺碑在福州福州府志作在福清誤

沙門神致題名 在福州烏石山 長興二年

華嚴院住持王沙門神致看經石室時長興二載季夏十九日故題

陳略云長興爲後唐明宗年號是時閩已稱王然猶稟朱邪正朔述年而王鑄信道士陳守元之言改元龍啟則不復用之矣

義井記 在閩縣 天福三年

大閩國左街白塔天王院比丘師幹乃勸同緣弟子檢校尙書右僕射左

衛長史兼御史大夫林卿弟子檢校太子賓客兼監察御史殷晟并僧尼男女弟子等共捨錢開此義井所冀神光普濟永鎮皇都千百年間庶無傾側當願生生常逢諸佛國界世世常感皇帝深恩今世同緣不昧菩提之果時通文三年歲次戊戌三月十八日題記講經大德廷敏書兼監察御史林歡刊字

葉記云井在東關外易俗里開通文三年濬卽晉天福三年也道光二十四年復濬碑存井內旋失去今龔藹仁方伯

易園

贖歸置雙駝園有

拓本通志稱甄刻者誤乃石刻也通文爲王繼鵬國號繼鵬延鈞之子審知之孫林卿殷晟更無可考末行兼監察御史林歡刊字與崇妙保聖堅牢塔記同出一手白塔卽定光塔閩都記天王院在九仙山之下崇甯三年爲崇甯觀厨宮建炎元年仍舊今廢左街攷新唐書百官志貞元四年置左右街大功德使總僧尼之藉比尼師幹蓋猶沿此稱也

烏石山惠安明應王廟碑

在福州

天福五年

心遊墳典性愛山川遊息於宿猿之洞登臨於落景之坪

三山志云惠安明應王廟烏石山之西王姓陳氏舊隱是山沒而顯靈
唐元和後始立廟咸通閒李大夫運餉湖湘亦獲陰祐後歸吳越封宣
威感應王永隆庚子屬檢校太傅陳郊撰碑銘猶存碑云云注云山下
舊有古跡結石垂藤號宿猿洞山號朝陽頂落景平熙甯八年改封今
號

衍案十國春秋陳郊莆田人輿地碑目作宣威感應王廟碑銘陳郊撰
並序長樂志云會同十年封又云年號史闕說者以爲後漢天福十二
年福州陷於吳越是時錢氏不置年號只用中原正朔契丹入汴故用
契丹年號然會同只有十年其次年爲遼世宗天祿元年至十二月福
州始屬吳越何得尙有會同十年之稱長樂志之說馮志据之誤矣

堅牢塔碑刻

在侯官

天福六年至九年

崇妙保聖堅牢之塔

八字在塔第四層正面

功德主睿明文廣武聖光德隆道大孝皇帝王曦爲自身及皇后官口眷

屬文武臣僚六軍兆庶發心敬造

在塔名
左側

永隆三年歲在辛丑十一月八日建監臨鳳聖指揮使儀仗使檢校司空
開國男食邑三百戶臣劉懷進勾當捧聖軍將檢校右散騎常侍兼御史
大夫臣鄭可端吳逢泰布置造塔控鶴官兼侍御史臣邱長超長樂府令

史臣黃裳

在塔名
右側

大口崇妙保聖堅牢塔記

在塔第五層馮志陳畧篆
額皆有首二字惟馮紀無

中散大夫守中書令口枉國賜紫金魚袋臣林同穎奉口口口勅撰

右街神光寺文章應口制玄慧大師賜紫臣僧无逸奉口口口詔書

作弘詔
一作勅

夫古之塔者兒童聚沙授記聞諸金僊子鬼神碎寶成功歸彼鐵輪王今
之塔也非寶非沙彌堅彌大鑿鞭來之巨石狀湧出之浮圖是故人但有
心物亦無體心以不貪爲戒寶卽同沙體以不磷爲名石還勝寶我當今

齊明文廣武聖光德隆道大孝皇帝君臨域內 佛在 王中雖日愬

萬機且 躬行十善嘗曰植福靡因乎地賦命弗自乎天猶吾

基構之肯承亦我梯梁之夙設而今而後念茲在茲永隆三年歲次辛丑
冬十一月 上視朔之暇顧謂南面城中西來山左林繁簷蔔熏滿國

以馨香草偃苾蒨占度年之蒼翠可安之萃堵鎮此高岡是月八日峻址
環開貞姿片合層一至九樣獨無雙暨 年 月良工告成凡一十六

門七十二角並隨層隱出諸佛形像共六十二軀繇是影籠千室猶趨潤
礎之隅勢入重霄已載補天之色壯矣哉壽域因之永固他山爲之一空
設使王曰毗沙擎應不動臺稱壘土比則非牢 作之者莫與爭功日

之者自然生善臣叨承 出綵俾屬受辛瞻八面之貞明相高

聖德舉一隅之磨琢略類微才將何確論宏規虛忝堅令善誌却於文
罷特地魂驚蓋不容揖讓洪儒彫鐫翠琰唯深幸矣敢直言之永隆 年

歲次 月 日記

神光寺長講兩經三論大德賜紫臣文於篆口

試左千牛衛長史林欽鐫

功德主肅明文廣武聖光德隆道大孝皇帝王曦

陳略云是塔卽唐淨光塔基創於柳冕燬於黃巢重築於王曦故或曰石塔或曰淨光或曰堅牢其實一也塔卮於道光十八年大風已多傾圯第一層爲南無金輪王佛第二層爲南無當來下生彌勒尊佛第三層爲南無無量壽佛第四層爲南無多寶佛第五層爲南無藥師琉璃光佛第六層爲南無龍自在王佛第七層爲南無釋迦牟尼佛每層皆有題名石刻是碑於落成歲月空格不書蓋刊石時工未告竣也據塔上題名皆甲辰正月甲辰爲永隆六年距興工之辛丑十一月首末已歷四年所矣福州志謂州中之塔盡燬於巢寇至審知復搆大中定慧神光萬歲定光安福崇慶太平開元諸塔其於邀靈勾寵之事斯已勤矣碑末大孝皇帝上泐十三字據塔上題名當爲功德主肅明文廣武

聖光德隆道大孝皇帝王曦也王述庵金石萃編未見題名刻故誤以曦尊號爲謚其實非也曦尊號十國春秋金石萃編皆誤以明字置武字下光德譌作元德

衍案此塔碑刻凡七層分二碑八石刻二碑中又分塔名及建造姓名塔記及篆額八石刻外又有末段小記及七層刻佛總計文字約二千言分十四處在古今碑刻中罕有其匹諸家題跋殆萬言若總錄在後恐頭緒複雜難於明瞭而陳氏金石略逐段跋語最爲簡明特錄於前閱者勿怪其後來居上焉

大閩皇曦爲自身家室小男愛女內外眷屬臣寮五州管界人民士庶乞

保平安

在塔上第一層

陳略云按五國故事延鈞初議僭號不欲盡兼尊欲爲閩國皇僞翰林學士周維岳進曰陛下欲稱國皇臣亦止稱翰林學士然鈞及其子昶皆已稱帝綱目晉天福六年七月曦自稱大閩皇十月曦稱帝塔成於

稱帝後六年仍曰大閩皇者蓋每層刻石皆在興造之時此第一層成時刻石曦尙未卽帝位也

女弟子大閩國后李氏十九娘爲自身伏願安處六宮高揚四教上壽克

齊於厚載陰功永福於長年

在第二層

弟子閩王王亞澄並室中越國夫人余氏十三娘各爲自身伏願顯甲觀

之儲休保宜家之懿範椿松比壽蘭蕙齊芳

在第三層

陳略云案歐史曦妻李氏悍而醺酒賢妃尙氏有色而寵李氏妬尙妃之寵欲圖曦而立其子亞澄乃構諸連重遇重遇遂弑曦此云李氏十九娘閩王王亞澄及下賢妃尙氏十五娘皆其人也

女弟子福清公主王氏二十六娘駙馬守司徒同中書門下平章事陳文

質伏願天宮降福仙掖迎祥薜華永茂於容儀柳絮恒資於賦詠

在第四層

弟子節度副使王繼潛宮苑副使王繼源伏願望殿承顏游雷蘊譽汪福

涯於四海顯祿位於萬邦

在第五層左旁

女弟子順昌公主王氏二十七娘建安公主王氏二十八娘同安公主王

氏二十九娘各爲自身伏願月娥偕美星婺同休雅彰麟趾之風顯播鳳

臺之譽

在第五層右旁

女弟子賢妃尚氏十五娘爲自身伏願空輶諸聖長開植福之門蓬島羣

仙每降延齡之籙

在第六層

戴君匡國變理功臣特進守太傅兼門下侍郎同中書門下平章事上柱

國蔡國公食邑二千戶李真妻趙國夫人陳氏推忠竭節匡濟功臣西面

經略使特進檢校太尉兼侍中同中書門下平章事使持節泉州諸軍事

行泉州刺史上柱國下邳郡開國公食邑一千五百戶余廷英妻閩興長

公主王氏輸忠竭節効順匡濟功臣左軍使驃騎大將軍檢校太尉兼御

史大夫上柱國韓國公食邑二千戶張偁妻王氏太原郡君輸忠竭節

効順匡濟功臣右軍使匡國大將軍特進檢校太尉兼御史大夫上柱國蔡